



Mjesec maj u Bela Vida Galeriji rezervisan je za stil i zemlju u kojoj nebesko plavetnilo i pješčana bijelina vladaju - kako u enterijeru, tako i u pejzažu.

Jednostavnost skandinavskih enterijera

Inspiracija nesputanom prirodom i tradicija koja diše savremenim životom spojeni su u jedan stil i jednu kulturu – Švedsku. Skandinavski enterijer poznat po svojoj jednostavnosti i nepretencioznoj eleganciji bit će predstavljen posjetiocima Bela Vida Galerije 10. maja, uz svečano otvorenje kojem će prisustvovati i Nj.E. ambasador Švedske u BiH Bose Hedberg i njegova supruga Christina. Christina Hedberg će i aktivno učestvovati u kreiranju postavke koja predstavlja njenu zemlju.

Veni, vidi, viking

Način života koji kombinuje eleganciju, udobnost i miran, nepretrpan prostor bit će obojen bijelim i plavim nijansama, a odisat će prepoznatljivim moderno-rustičnim stilom. Svijetlo i vazdušasto, praktično i funkcionalno, drvo i kamen – samo su neki od segemenata majske 'Veni, Vidi Viking' postavke u Importanne Centru u Sarajevu.

U maju Bela Vida Galerija donosi vam najnovije dizajnerske „pozdrave sa Sjevera“!